



KOSOVO SPECIALIST CHAMBERS
DHOMAT E SPECIALIZUARA TË KOSOVËS
SPECIJALIZOVANA VEÇA KOSOVA

Numri i lëndës: KSC-BC-2020-06

**Prokurori k. Hashim Thaçit, Kadri Veselit, Rexhep Selimit, dhe
Jakup Krasniqit**

Vendosi: Gjykatësi i Procedurës Paraprake

Gjykatës Nikola Giju

Administratore: Dr. Fidelma Donlon

Data: 8 shtator 2021

Gjuha: Anglishte

Klasifikimi: Publik

**Urdhër për Caktimin e Datës së Konferencës së Shtatë mbi Ecurinë e Çështjes dhe
për Paraqitjen e Parashtrimeve**

Prokurorit të Specializuar
Xhek Smith

Mbrojtësit të Viktimave
Sajmon Loz

Mbrojtësit të Hashim Thaçit
Gregori Kihou

Mbrojtësit të Kadri Veselit
Ben Emerson

Mbrojtësit të Rexhep Selimit
Dejvid Jang

Mbrojtëses së Jakup Krasniqit
Venkatesvari Alagendra

GJYKATËSI I PROCEDURËS PARAPRAKE,¹ në pajtim me nenin 39(13) të Ligjit për Dhomat e Specializuara dhe Zyrën e Prokurorit të Specializuar (“Ligji”) dhe rregullën 96(1) të Rregullores së Procedurës dhe të Provave para Dhomave të Specializuara të Kosovës (“Rregullorja”), lëshon këtë urdhër.

I. HISTORIKU PROCEDURAL

1. Më 26 tetor 2020, Gjykatësi i Procedurës Paraprake konfirmoi aktakuzën kundër Hashim Thaçit, Kadri Veselit, Rexhep Selimit, dhe Jakup Krasniqit (bashkërisht, “Mbrotjtja”).²

2. Më 12 mars 2021, Gjykatësi i Procedurës Paraprake lëshoi “Vendim për Kategorizimin e Provave sipas Rregullës 109(c) dhe Çështje të lidhura me Të”, ku u urdhërua kategorizimi i materialit të rregullës 102(1)(b) sipas rrethanave të çështjes dhe afati për dorëzimin e atij materiali u shty deri më 23 korrik 2021.³

3. Më 24 qershor 2021, në bazë të kërkesës së ZPS-së,⁴ Gjykatësi i Procedurës Paraprake shtyu afatet në lidhje me materialin e rregullës 102(3).⁵

¹ KSC-BC-2020-06, F00001, Kryetarja, *Vendim për Caktimin e Gjykatësit të Procedurës Paraprake*, 23 prill 2020, publik.

² KSC-BC-2020-06, F00026/RED, Gjykatësi i Procedurës Paraprake, *Version i Redaktuar Publik i Vendimit për Konfirmimin e Aktakuzës kundër Hashim Thaçit, Kadri Veselit, Rexhep Selimit dhe Jakup Krasniqit*, 26 tetor 2020, publik; KSC-BC-2020-06, F00045/A03, Prokurori i Specializuar, *Aktakuzë e Redaktuar më tej*, 4 nëntor 2020, publike.

³ KSC-BC-2020-06, F00218, Gjykatësi i Procedurës Paraprake, *Vendim për Kategorizimin e Provave sipas Rregullës 109(c) dhe Çështje të lidhura me Të*, 12 mars 2021, publik, para. 22.

⁴ KSC-BC-2020-06, F00356, Prokurori i Specializuar, *Kërkesë e Prokurorisë për Zgjatjen e Afatit për Dhënien e Njoftimit sipas Rregullës 102(3)*, 18 qershor 2021, publike.

⁵ KSC-BC-2020-06, F00370, Gjykatësi i Procedurës Paraprake, *Vendim mbi Kërkesën e Prokurorisë për Zgjatjen e Afatit për Dhënien e Njoftimit sipas Rregullës 102(3)*, 24 qershor 2021, publik, para. 16.

4. Më 21 korrik 2021, në pajtim me urdhrin për caktimin e datës të Gjykatësit të Procedurës Paraprake,⁶ u mbajt konferenca e gjashtë mbi ecurinë e çështjes (“Konferenca e Gjashtë mbi Ecurinë e Çështjes”), në të cilën Gjykatësi i Procedurës Paraprake shtyu afatin për dorëzimin e materialit të rregullës 102(1)(b) deri më 27 shtator 2021.⁷

5. Më 8 shtator 2021, Gjykatësi i Procedurës Paraprake nxori vendimin për ndryshimin e procedurës në lidhje me nxjerrjen e materialit të rregullës 102(3).⁸

II. DISPOZITAT LIGJORE PËRKATËSE

6. Në pajtim me rregullën 96(1) të Rregullores, pas konferencës së parë mbi ecurinë e çështjes, Gjykatësi i Procedurës Paraprake mbledh konferenca pasuese mbi ecurinë e çështjes, nëse konsiderohet e nevojshme për: (i) organizimin e shkëmbimeve midis palëve dhe, kur është e zbatueshme, mbrojtësit të viktimave, për të mundësuar përgatitje të shpejtë për gjykim; (ii) ndërmarrjen e hapave që mundësojnë çdo përgatitje të nevojshme prej palëve në mënyrë të zellshme dhe në kohë; dhe

⁶ KSC-BC-2020-06, F00393, Gjykatësi i Procedurës Paraprake, *Urdhër për Caktimin e Datës për Mbajtjen e Konferencës së Gjashtë mbi Ecurinë e Çështjes dhe për Paraqitjen e Parashtrimeve*, 12 korrik 2021, publik, para. 15.

⁷ KSC-BC-2020-06, Transkript i seancës, 21 korrik 2021, publik, f. 536, rreshtat 4-9. Janë mbajtur pesë konferenca mbi ecurinë e çështjes para saj në intervale të rregullta, konkretisht më 18 nëntor 2020, 17 dhjetor 2020, 16 shkurt 2021, 24 mars 2021, dhe 19 maj 2021. *Shih* KSC-BC-2020-06, F00074, Gjykatësi i Procedurës Paraprake, *Urdhër për Caktimin e Datës për Konferencë mbi Ecurinë e Çështjes dhe për Paraqitjen e Parashtrimeve*, 11 nëntor 2020, publik, me Shtojcën 1, publike; Transkript i seancës, 18 nëntor 2020, publik; F00130, Gjykatësi i Procedurës Paraprake, *Urdhër për Caktimin e Datës së Konferencës së Dytë mbi Ecurinë e Çështjes dhe për Paraqitjen e Parashtrimeve*, 8 dhjetor 2020, publik; Transkript i seancës, 17 dhjetor 2020, publik; F00185, Gjykatësi i Procedurës Paraprake, *Urdhër për Caktimin e Datës së Konferencës së tretë mbi Ecurinë e Çështjes dhe për Paraqitjen e Parashtrimeve*, 3 shkurt 2021, publik; F00193, Gjykatësi i Procedurës Paraprake, *Urdhër për Ndryshimin e Datës së Konferencës së tretë mbi Ecurinë e Çështjes*, 9 shkurt 2021, publik; Transkript i seancës, 16 shkurt 2021, publik; F00227, Gjykatësi i Procedurës Paraprake, *Urdhër për Caktimin e Datës së Konferencës së Katërt mbi Ecurinë e Çështjes dhe për Paraqitjen e Parashtrimeve*, 17 mars 2021, publik; Transkript i seancës, 24 mars 2021, publik; F00300, Gjykatësi i Procedurës Paraprake, *Urdhër për Caktimin e Datës së Konferencës së Pestë mbi Ecurinë e Çështjes dhe për Paraqitjen e Parashtrimeve*, 14 maj 2021, publik, para. 19; Transkript i seancës, 19 maj 2021, publik.

⁸ KSC-BC-2020-06, F00460, Gjykatësi i Procedurës Paraprake, *Vendim mbi Kërkesën e Mbrojtjes për Ndryshimin e Njoftimit sipas Rregullës 102(3)*, 8 shtator 2021, publik.

(iii) rishikimin e ecurisë së çështjes gjyqësore dhe që palëve, e kur është e zbatueshme mbrojtësit të viktimave, t'u jepet mundësia e ngritjes së problemeve në lidhje me çështjen gjyqësore.

7. Në pajtim me nenin 21(6) të Ligjit, i gjithë materiali dhe provat ose faktet relevante në zotërim të ZPS-së të cilat janë në favor ose kundër të akuzuarit, i vihen në dispozicion të akuzuarit para fillimit të procesit dhe gjatë procesit, vetëm me kufizimet rreptësisht të domosdoshme dhe me zbatimin e masave mbrojtëse kompensuese të nevojshme. Në pajtim me rregullën 102(3) të Rregullores, ZPS-ja i jep njoftim të hollësishëm Mbrojtjes për çdo material dhe provë që ka në zotërim.

8. Në pajtim me rregullën 95(4) të Rregullores, Gjykatësi i Procedurës Paraprake urdhëron ZPS-në që brenda një afati të përcaktuar, të dorëzojë: (i) dosjen paraprake, ku përfshihet çdo pranim në lidhje me faktet nga ana e Mbrojtjes dhe një listë e pikave të pakontestuara; (ii) listën e dëshmitarëve që synon të thërrasë; dhe (iii) listën e provave materiale që synon të paraqesë, ku përfshihet, kurdo që është e mundshme, çfarëdo kundërshtimi i Mbrojtjes lidhur me autenticitetin e tyre.

9. Në pajtim me rregullën 95(5) të Rregullores, pas dorëzimit të materialeve të përmendura në rregullën 95(4) të Rregullores, Gjykatësi i Procedurës Paraprake fton Mbrojtjen që brenda një afati të përcaktuar të dorëzojë dosjen e vet paraprake. Gjithashtu, brenda afatit të përcaktuar nga Gjykatësi i Procedurës Paraprake, Mbrojtja informon ZPS-në mbi synimin e vet për të përdorur alibinë ose çfarëdo arsye tjetër që përjashton përgjegjësi penale, ndër të cilat aftësia mendore e kufizuar ose mungesa e aftësisë mendore, intoksikimi, domosdoshmëria, shtrëngimi dhe gabime faktike ose ligjore.

10. Në pajtim me rregullën 96(2) të Rregullores, me pëlqimin me shkrim të të akuzuarit që jepet pas këshillimit me mbrojtësin, konferenca mbi ecurinë e çështjes mund të mbahet: (i) në praninë e të akuzuarit dhe me pjesëmarrjen e mbrojtësit nëpërmjet videokonferencës; (ii) në praninë e mbrojtësit dhe me pjesëmarrjen e të

akuzuarit nëpërmjet videokonferencës; ose (iii) në mungesë të të akuzuarit me praninë e mbrojtësit, ose me pjesëmarrjen e mbrojtësit nëpërmjet videokonferencës. Gjithashtu, çdo kërkesë për pjesëmarrje në konferencën mbi ecurinë e çështjes nëpërmjet videokonferencës i bëhet drejtpërdrejt Administratores, në pajtim me Udhëzuesin e Punës të Administratores për Videolidhjet (KSC-BD-23/COR), paraprakisht e në kohë të mjaftueshme, në mënyrë që Administratorja të ndër marrë hapat e duhur, përfshirë informimin e Gjykatësit të Procedurës Paraprake.⁹

III. DISKUTIM

11. Pasi ka shqyrtuar preferencat për datat të shprehura nga palët dhe mbrojtësi i viktimave, Gjykatësi i Procedurës Paraprake cakton që konferenca e shtatë mbi ecurinë e çështjes të mbahet të martën, më 14 shtator 2021, në orën 14:30.

12. Gjatë seancës, Gjykatësi i Procedurës Paraprake do t'u kërkojë palëve përditësime, nëse kanë, për pikat ende të pazgjidhura nga konferenca e gjashtë mbi ecurinë e çështjes, dhe për parashtrimet me shkrim dhe me gojë që kanë bërë në lidhje me ato pika. Konkretisht dhe gjithashtu, Gjykatësi i Procedurës Paraprake do të kërkojë përditësime në lidhje me pikat në vijim, sipas radhës së përcaktuar më poshtë:

(1) Nxjerrja e materialeve:

- a. nëse palët mund të bëjnë parashtrime të mëtejshme për dobinë prej kategorizimit të materialit të rregullës 102(1)(a) në sistemin elektronik *Legal Workflow* dhe për kohën e nevojshme për zbatimin e kategorizimit;
- b. çfarë përparimi ka bërë ZPS-ja në nxjerrjen e materialit të rregullës 102(1)(b) brenda afatit të 27 shtatorit 2021; në veçanti, dhe duke pasur parasysh afrimin

⁹ *Shih gjithashtu KSC-BC-2020-06, F00062, Gjykatësi i Procedurës Paraprake, Vendim për autorizim të pjesëmarrjes përmes videolidhjes, 6 nëntor 2020, publik, para. 10; F00069, Gjykatësi i Procedurës Paraprake, Vendim për Autorizim të Pjesëmarrjes përmes Videolidhjes, 9 nëntor 2020, publik, para. 9.*

- e afatit, edhe sa nga ky material mbetet për t'u nxjerrë dhe a i ka dorëzuar ZPS-ja të gjitha kërkesat për masa mbrojtëse për materialin e rregullës 102(1)(b);
- c. nëse palët mund të japin përditësime se sa kanë përparuar drejt përfundimit të procedurës për nxjerrjen e materialit të rregullës 102(3), në veçanti nëse Mbrojtja ka kërkuar apo do të kërkojë nxjerrjen e materialit të rregullës 102(3), sipas njoftimit aktual, deri më 24 shtator 2021, dhe nëse Mbrojtja ia ka bërë të ditur ose do t'ia bëjë të ditur ZPS-së provat materiale për të cilat i duhen më shumë hollësi;
- d. nëse ka ende prova shfajësuese në ruajtjen, kontrollin apo dijeninë faktike të ZPS-së, të cilat duhet t'i nxirren Mbrojtjes në pajtim me rregullën 103 të Rregullores, dhe nëse pritët të bëhet ndonjë kërkesë për masa mbrojtëse në lidhje me to; dhe
- e. nëse është bërë përparim në procesin e nxjerrjes së materialeve sa i përket materialit të rregullës 107, dhe nëse pritët të bëhen kërkesa të tjera sipas kësaj rregulle.

(2) Përkthimet:

- a. sipas vlerësimit më të mirë të Njesisë së Përkthimit, kur do të jenë gati përkthimet e vendimeve mbi mocionet paraprahe; dhe
- b. nëse palët kanë parashtruar kërkesa të tjera urgjente për përkthim.

(3) Hetimet e ZPS-së dhe hapat e mëtejshëm:

- a. nëse ZPS-ja mund të japë një vlerësim të mëtejshëm në lidhje me datën e parashikuar për përfundimin e hapave hetimorë të papërfunduar; dhe

- b. nëse ZPS-ja është e gatshme të zotohet për datën e parashtrimit të dosjes paraprake dhe materialit përkatës në pajtim me rregullën 95(4)(a)-(c) të Rregullores; dhe
- c. nëse mund të pritët dorëzimi i listës paraprake të dëshmitarëve para afatit të përcaktuar në rregullën 95(4)(b) të Rregullores, dhe nëse po, kur.

(4) Hetimet e Mbrojtjes dhe hapat e mëtejshëm:

- a. nëse Mbrojtja mund të japë më shumë informacion për ecurinë e hetimeve të saj;
- b. po ashtu, nëse Mbrojtja mund të japë më shumë informacion për synimin e vet për të bërë kërkesa në lidhje me mundësitë hetimore unike, në pajtim me rregullën 99(1) të Rregullores; dhe
- c. nëse Mbrojtja mund të japë më shumë informacion për synimin e vet për të dhënë njoftim për alibi ose arsye që përjashtojnë përgjegjësi penale në pajtim me rregullën 95(5) të Rregullores, dhe për nxjerrjen e materialeve përkatëse, në pajtim me rregullën 104(1) dhe (2) të Rregullores.

(5) Paraburgimi:

- a. nëse Zyra Administrative mund të japë informacion të përditësuar për regjimin e paraburgimit, përfshirë, ndër të tjera, politikën e vizitave nga mbrojtësit dhe familjet.

13. Përfundimisht, duke pasur parasysh disponueshmërinë e sallës së gjyqit në muajin tetor 2021, palëve dhe pjesëmarrësve do t'u kërkohet të bëjnë të ditur disponueshmërinë e tyre më 29 tetor 2021 për konferencën e ardhshme mbi ecurinë e çështjes.

14. Palët dhe pjesëmarrësit ftohen të paraqesin parashtrime me shkrim, nëse dëshirojnë, për cilëndo nga pikat e lartpërmendura. Në rast se palët ose pjesëmarrësit

dëshirojnë të ngrenë çështje të tjera gjatë konferencës së ardhshme mbi ecurinë e çështjes, të cilat nuk janë përfshirë në këtë urdhër, ftohen t'i përfshijnë ato në parashtrimet e tyre me shkrim. Palët dhe pjesëmarrësit ftohen që t'i paraqesin këto parashtrime deri në mesditën e së hënës, 13 shtator 2021.

IV. VENDIM

15. Për arsyet e lartpërmendura, Gjykatësi i Procedurës Paraprake:

- a. **VENDOS** të mbajë konferencën mbi ecurinë e çështjes në prani të ZPS-së, Mbrojtësit të Viktimave dhe Mbrojtjes, **të martën, më 14 shtator 2021, në orën 14:30**; dhe
- b. **KËRKON** nga palët dhe pjesëmarrësit që deri në **mesditën e së hënës, 13 shtator 2021**, të dorëzojnë parashtrime me shkrim, nëse dëshirojnë, siç përcaktohet në paragrafin 14 më lart.

/nënshkrimi/

Gjykatës Nikola Giju
Gjykatësi i Procedurës Paraprake

E mërkurë, 8 shtator 2021
Hagë, Holandë.